



**NIANG ATENI KA RUBANGA
KEDE ANGALO ASITANI
GI KAME TELO TIC ME
ATIN APWONYERE**

Pwonyere Me 1: Iswiliaka ka Rubanga

Som Iswiliaka 30: 11-20

- Epone mene ame Rubanga gonyo kede iswiliaka mege? Kitek amoto kiyoyot?
- Itieng 15 tam mege en ame tie inyimwa? Nyo en ame in oudo koto itamo?
- Nyo en akelo kuo kede winyo? (tieng 15-16)
- Nyo en akelo too kede ilam? (tieng 17-18)
- Nyo en ame Rubanga mito be wan oyeri ? (tieng 19)

Som Iswiliaka 28: 1-14

- Nyo en ame bino timere ame wan olubo iswiliaka ka Rubanga?
- Cikere gi tie pi kuo iyo ngei too wa arabo pi kuo wa iwi lobo kan?

Som Iswiliaka 28: 15-19

- Nyo ame bino timere ame wan likame olubo iswiliaka ka Rubanga?

Som karacel 2 iyutun 7:14

- Yote mege ame jo ii tabu me 2 iyutun olokere kede but Rubanga?
- Nyo ame Rubanga otimo ikare kame jo olokere kede bute?
- Ii Fiji, iponeso mege ame gin iko geno woro kede Rubanga
- Yote mege abin Rubanga oko mino kede winyo but jo me Fiji?

Medo timo ingicun

Ter kare me paro itatam gi acel acel

- In itie timo nyo me keto kope go itic?
- Nyo ace bobo ame ida itwero timo?

Pwonyere me 3: Wan Otzero Kelo Alokaloka

Som Luka 7: 11-17

Jamuni 8 ame wan otzero pwonyo ii itatam me dano akelo alokaloka

1. **Yesu ongee.** Lwak ekodet me jo oudo opong, jo oor Ayesu oudo tie kede ayomaic adwong pi tangu ame kineno ii esawa nono. Pimano, Yesu oko nene di etie idier ekodet. Kame di wan otie jo ame bino kelo alokaloka, opre bedo jo amen geo jo ace opore neno be oneno jo ara dano, do likame lwak.
2. **“Cunye oko yai ot bute.”** Kame di wan omite kelo alokaloka, opore bedo kede cunye me kisa. Opore bedo jo ame cunye gi tur kame di oneno pekini me jo ace. Do kare atot wan ogengo wangwa ara (ogalao) di bobo oko daga konyo ara gwoko. Nyo ame wan otimo kame di oneno dano moro ame tie kede rem ibut ekodet ame wan obedo kede? Nyo ame wan otimo kame wan oneno dako ame obedo toto ame cware oyai (oringo) idiakal di bobo papa me cware ame obedo kwaru mere da oringo oweke kede tic me pito (gwoko idwe)? Ateteni wada owinyo cunye me kisa? Kwai Rubanga wek emi amara aromo pi lwak jo ni. Kwae wek enyut ni jo kibang ekodet me jo ain ibedo kede me wek ida itwer neno bala kite kame en eneno kede.
3. **Emio kop ame cuko cunye.** Kare atot jo omite ngatamoro ame paro pirgi (egwoko gi) ecuko cunyi. Eyoyot me wan tamo ara paro bala wan omite jamini ara sente pi konyo jo do, jo ame mita kony pore bedo kede dano moro ingetgi me cuko cunye gi.
4. **Yesu omulo sanduku me liel.** Kakame Yesu otimo kede amano, etimo gi arac di lubere kede itok gi. Iyudaya tie kede yei be likame dano moro pore mulo sanduku me ates mio ibedo ngat kalikame cil. Do Yesu oyei bedo ngat kalikame cil me wek ekony ngatamoro. Wan opore yei jalo kuo wa (take risks) di oko pwokere doko rarac pi konyo jo. Jo cengemogo karuno yamo ikomwa di kiko cano wa, do wan opore timo giame Rubanga lwongo wan pi timo.
5. **Twer tie ikop ka Rubanga kede ilegal.** Kakame yesu olego kede, dano oko yaruno ii akina jo oto. Wi kur wil kede lego ikom pekini ame in iryamakin kede . Ter kare pi lego ne jo apat da; tim amanono di in ingeo be Rubanga twero loko peko di eko cobo rem dedede me epone apapat. Pwony jo iepone me lego me wek gida ingei twer ka Rubanga.
6. **Adwokini oko bedo tie.** Awobi ayot ni oko yaruno ikom jo oto. Opore bedo kede adwokini me tic wa. Kame di in imite konyo jo, gei kede jamini atino ame in itzero timo di eyoyot. Kame di itimo iber, jo bino bedo kede ayomaic di jo atot ko bino bedo ked emit me gida bino timo karacel kedi. Amanono, ibino twero timo jamini atek.
7. **Yesu oko dwoko atin but toto mere di en eko yai.** Toto me atin ni cunye jo waogi ikome; en oudo etie yamo kop atot atota. En oudp dano moro ame pire tek. Kame wan okonyo jo, opore gwokere me kur oter ameda moro (credit) di oko bedo icunye kop kakame wan tic wa en winyo. Dano no pore rieny kame di oyamo ne jog i otimere. Kop no gero dwongo gi Akaka in tero ameda.
8. **Rubanga oko tero deyo mere ii ajikini deyo pore dok but Rubanga.** Nakanaka opore ngeno be kame di gi dedede otiek, Rubanga en dano ame opore pako.

Pwonyere Me 4: Pwonyere Ibaibuli itabu Amatayo

Som Matayo 25:14-30

Tyeng 16-18

- Nyo ame jotic otimo kede talanta gi?
- Isobolo cungo nyutere karacel kede jo tic atio kede talanta gi amoto kede ngat okano mere?

Tyeng 19-23

- Nyo ame ngadwong otimo kame edwogo kede?
- Eyamo benyo but jo ame oudo onyao talanta gi?

Tyeng 24-28

- Peko nyo atie ne ngatic okano talanta mere?
- Ngadwong mere oko Waco ne benyo?
- Pinyo omio jo oyei atot likame tio kede talanta gi?
- Nyo ame do miero otimi?

Pwonyere Me 4: Pwono Igoro Wa Asek

Goro amaro bedo tie

Dano otii = "Oh okwe koto oudo ada pwodi atie eponga, koto oudo atie kede teko me tic ne Rwot beo italanta no. Nado ati doko aol do"

Eponga = "Oh okwe koto oudo ada acato, koto oudo atie kede ngere me cuko cuny jo di ako telo gi tic me Rwot kede talanta na. Edoko tek na piento ango pwodi eponga"

Ngacat = "Oh, okwe koto atie kede kare alac, tic do odia omio likame asobolo udo kare me konyo jo"

Dano alikame osomo = "Okwe koto oudo ada asomo, likame angeo kop amako baibuli, Akwat kene en asobolo mino kony pien eoto isukulu me somo baibuli ebedo ipwonyere"

Ngacan = "Oh okwe koto di oudo atie kede sente, koto oudo asobolo tic ne Rwot. Can odia itek omio likame asobolo konyo jo ace kwanyo ango kena"

Leno Tam lekodet Atitidi

- Mege ikom goro gi ame iin itio kede?
- Mege ikom goro gi ame iin imaro winyo ibut jo ace ii kanisa uu?
- Goro mene ame oudo ngatic okano talanta mere tie kede?
- Oudo ngadwong yei kede goro ni?
- Igeno be goro wa gi Rubanga yei kede?
- Oromunu timo nyo pi udo loc ii goro gi?